

NOSTALGIE-PREIS

CHF 4.00!



HÄGEDÖRFER- SPÖIZ

Herausgeber: ROOT-RAT

2016

AKTUELL

HOCHBRISANT

unabhängig

SPONTAN

INFORMATIV
NEUTRAL
ZIELT SICHER

38.
Ausgabe



PROKLAMATION FASNACHT 2016

Herjemine wo goi z Hägedorf au mini Stüre he
So ne grossi Halle wär doch gar ned nötig gse!

Mou mou muesch jetzt luege seit dise
z Hägedorf heimers ganz prise!

Mer hei aus im Dorf und e gueti Sach
was richtig esch, so gets kei Krach!

Der Obrigkeit em Dorf esch es wichtig
das d Sache laufe richtig!

Natürlech chönnt me emmer no me und no besser
aber Gfohr esch der bi, du lausch is Messer!

Es neus Schuelhusteili uf em Späri schafft Platz für vieli Chinder
mer hoffe de au fescht, die Chline rechne de au besser und no gschwinder!
Bi der letschte Verkehrszählig simmer besser wäg cho as mer agno hei,
s`fahre jetzt haut vöu über d`Kappelerplaschteretei!

Dasch bi Gott ke Droschst und au ke Säge,
bes die Autobahn usbaut esch stoi au zäme, no recht im Räge!

Chönnte die katholische Pfarrer es Froueli ha,
wär Chilche was der Nachwuchs agoht, besser drah!

Pfarrei het immer au e hufe z`tue
chunnt e Sache Pfarrersuechi au ned rächt zur Rueh.

Zom Schluss no e Schwenk uf d`Bürgergmein,
dass mer chöi heize met erem Holz, das find eg richtig fein.

„Mer si fit“ das säge Schlümpf,
drom fertig quaslet und ab i Fasnachtsstrümpf!

E wönsche eusem Root und sine Gselle
E gueti hand e gebe jetzt ab mi Chelle

Der Chef vom Dorf
(mindestens i der nid Fasnachtsziit)

Ausgabe: 01/2016(38. Jahrgang)

Unbeglaubigte Auflage: 450 Exemplar

Erscheinungsweise: 1mal jährlich

Redaktion: Hägedorfer Spöizer

Herausgeber: Root-Rat Hägedorf

Es esch so wit s'esch weder fasnachtszyt
S'Motto hür lütet «Mer si fit»
Mer zwöi do forne fende das der Hit
Wäge ere Opartion esch d'Chrege ned ganz fit

Trotzdäm übername d'Chrige und eg jetzt d'Macht
Wei ar fasnacht met öich verbrenge Tag und Nacht
Guggekläng. Bänk und au e Konfettischlacht
Das ghört zo nere tolle und loschtige fasnacht

Vom Amme ha eg jetzt becho dr Bäse
Tue mini Proklamaiton jetzt vor öich verläse
Ab sofort götet em Dorf öises Rächtswäre
So esch es haut das fasnachtswäre

Vor Chesslette bes som fasnachtsfüür
Wei mer e gueti Zyt verbrenge hür
Und secher ned zahle no e fasnachtsstür
S'läbe ir Schwyz esch jo söseh scho tür

Eg wot derbi net mache e Riese Sach
Sondern haute dr Bau zemlech flach
Eg wot ned Glänze sondern bliebe lieber lang wach
Tue lieber zuelosse däm schöne Guggekrach

Em Dorf omezie und dr Bäse schwenge
Ou vellecht em mou es Wetzli bringe
Go lose wie die andere Bänk döi senge
Zo däm muess eg me secher ned zwenge

S'Geschäft und d'News e Woche vergässe
Es Bierli drenke und emmer öppis ässe
Gmütlechi Tag und Nächt of das be eg versässe
Ond wot met guet lüt ehli zäme sässe

Doch jetzt esch gnue es esch so wit
Höre uf und säge nome

„Mer si fit“

ROOT XXXIX.



RAIFFEISEN ARENA

D Raiffeisenarena esch de Hägedörfer ehre Schatz,
aber d Musikinstrumänt die bruche eifach Platz.
D Töre vom Gitterversschlag esch z chli,
e grossi Trommele passt eifach ned dri.



Es ganzes Johr döi se im Onderdorf a dr Wasserleitig omeboue
derför macht fasch aues elei 1 einzigi Frou.
Dienstleistungsbetriebe
Hägendorf



Am Donnstchtig mit em Töffli i Bäsebeiz e chli go brichte
är und sini Kollege verzöue dort ehri Räubergschichte
aber au dä Obe duet mou sis Ändi erwarte
doch wo är wot go duet leider s'Töffli ned starte
är lütet im Sohn a und seit e bi in Not
dä seit OK, e chume so schnäu wies got
zum Glück het är no s'Geschäftsauto vom Fürscht vor der Tör
drum chunnt der Kellerhals Stefan no Hei mit sim Gschwör

Nur no schnäu es paar Bohnerstange i das Gstöu biige
är macht das ganz flink und schnäu wie der Wind
drum gheie die Stange weder use und schlöi ehm a Grind
Wöu du ned der schnäuscht besch im uswiche
Fluri Phippu gohsh lieber weder Wänd go striche



Wenn Root besch z'Hägendorf hesch es paar Pflichte
die muesch ar Fasnacht eifach mou verrechte
Noch dr Fasnacht darfsch di au no im Root-Buech iträge
Doch eini het das nümme gwüsst und het chli untretrebe
statt der 36igscht het Manu Ritter der 26igscht ine gschrebe

Es git e Zunft in Hägevillage,
die het scho es schöns Age,
D'Höckeler si do dermit gmeint,
So si scho vierzg Jahr vereint.
me ladt im Sommer mues gfired si,
Après-Ski-Party, e cooli Idee,
aber do brucht's doch no Schnee!
Der Loupi het wele der Bode wiss mole,
si si denn doch wisses Fließ go hole.

A de Musigunterhaltig weder einisch eim eis gschmiert
Ned s'ersch mou tuesch du dech so verhaute
derfür wird är diräkt us dr Bar spediert.
due doch emou dis Hirni ischautete

Ändlich hei mir jetzt die tolli Mehrzäckhaue,
das duet öis natürlich mega fescht gfaue.
Statt im Thalacker grad aues z'planiere,
het me sogar d'Ussealage chönne saniere.

Of die Brandneue Raiffise Arena het me lang müesse warte
Chum esch si fertig duets mit Aläss sofort starte
Musig und Turner si scho mit der Unterhaltig präsent
Und duregführt wird au grad d'Fiir für e Kantonsrotspräsident
Für das Amt wei mer Fasnächtler der gratuliere
Mer hoffe Du chunsch trotzdem a ned schiniere
Es esch jo schliesslich au dini »Royal Albert-Studer-Hall«

Bruchsch e Nommere wöu wottscht d Ablaufleitig entstopft ha, lütisch 1818 a.
 Wählsch 118, **Bäbs** dank doch s nächste mou dra, de mäudet sech e Füüwehrmaa.



**Wenn d'Alarmlag ir Raiffeisenbank duet doresarte,
 muess me bes sj weder abgstöüt esch ganz lang warte,
 Wöu niemer z'erreiche esch wo duet d'Veantwortortig ha,
 lüret me haut im Bankleiter a.
 Gfonde ond brocht het dä sini Frou,
 Fasch häufe cha är ned es gloubts kei Sou,
 bes d'Alarmlag stöu duet stoh.**



Of dere Wäut goht's gföhrlich zue ond här
 Es git vöu vo dene Sache die Treffe öis schwär
 Scho es Glas Bier pro Tag das sigi dumm
 Und lut Studie bringe öis au d'Würscht jetzt um

Wo esch ächt mi Hund, är esch verschwunde
 au met Höuf vom Facebook ha eg ne ned gfunde
 Verzweiflet ggesch ne im ganze Dorf umesueche
 und nächär duet är heftig über d'Hundestüre flueche
 Wöu lut Hundemarke das Vieh ned ehm döigi ghöre
 das duet sis Vertraue id Gmeindsverwaltung ganz verstöre
 Im Schuelhus esch dr Hund bim Schuelleiter em Büro
 dä esch über die Verstärchig wörklech riesig froh

Dögeli Vänu

ÖFFNIGSZYYTE ROOT-HUUS

Schmotzige Donschtig:	13:39 bis 18:39
Fasnachts-Frytig:	13:39 bis 18:39
Umzugssamschtig:	13:39 bis 01:39
Sonntig:	13:39 bis 18:39
Rosemäntig:	13:39 bis 18:39
Fasnachts-Zyschtig:	13:39 bis 01:39

**Ofem Dorfplatz wott dr Root-Rot Hotschichleider gsalte
 vo eim sim Gschäft döi mer Stoff zum Baschtle erhalte
 Das Material wot är jetzt e sis Auto biige
 doch macht är das ned wie ne gschiide
 Mit dr Schäri ir Hand macht är uf sini Autotöre
 das duet der Renato Hirrlinger erscht wo är d'Chratzer gseht störe**

Es ist dringendst anzuraten, auch
 in der näheren Umgebung und mit
 Mountainbike ein Navi einzusetzen.
 da sonst plötzlich auch der Weg
 zum Belchen ein Problem sein
 könnte.
Stanina Juder



**Es git Ingenieure,
 die sj richtig grisse,
 aber die be VW
 hei ganz eifach bschisse!**


Um dr Stutz für e diütschi Vignette z spare
 duesch für i Schwarzwald uf dr Landstross fahre.
 Für d' Andrea Aerni esch aues schön und übersechtig.
 Aber Dütschland esch doch gar ned Vignettepflichtig.



Es nöis Auto för sini Zweck, brucht de **Vögeli Beck**.
Scho am erste Tag, ach guck het dä Soucheib scho e Buck.
Ned nor eis Auto het e Delle, düend öich nöi als Vögeli BUCK vorstelle.




Set 30 Minute duets afe schneie das esch jo zom lache,
ont scho duet dr **Werchhof d'Trottoir Schneefrei mache**.



Es göi zwe Froue zäme uf d'Wauz,
si hei's luschtig und beidne gfaut's.
Mit em Outo unterwägs, si göi go parkiere,
me gloubt gar ned, was eim do cha passiere.
Die einti luegt uf welem Platz s'Outo stoht,
während die anderi s'Münz i Chaschte lot.
Obwou si gnueg zaut hei isch es passiert,
si hei trotzdem e schöni Parkbuess kassiert.
Manu Ritter, muesch s'nöchst Mou e Bröue nä,
hesch der **Sonja** die fauschi Nummere durgä.



Sport em Fernseh esch gfahrlos und ersch no tou
Besch live derbi was passiert und ggesch jedes Foul
Au bem 100 Meter Sprint passiere komischi Sache
Die si wörklech eifach nome zom so richtig lache
E motorisierte Kameramaa knallt i Usain Bolt bim springe
Und ar Tour de France döi Töff d'Fahrer zom störze bringe



Scho sit Johre duets in Hägedorf e Tennis-Club gäh
dä macht das guet, was jede duet zur Kenntnis näh
au Jahr werd es Turnier der Belche-Cup organisiert
aui Teilnehmer wösse e super Alass esch garantiert
doch d'Organisatore wei sich das Jahr überbiete
und döi für 1 Tag der Davis-Cup Pokal miete
mer got of Sponsore suechi, wöu dä Pokal choscht vöu Gäud
und das aues für die hässlichschti Salatschüssle vor Wäut



Als Fifa Funktionär da hast du's schwer
ist doch nicht mehr so wie früher,
als dass Geld ganz einfach kam
und niemand eine Notiz davon nahm.
Doch nun hat sich das Blatt gewendet
und der Geldsegen ist geendet
anstelle von ganz vielen Noten,
gibt's fürs Fernseh Einschaltquoten,
am Züriberg wird man verhaftet
und mit Vorwürfen belastet
und au der **Sepp** de armi Cheib
gspürt Justiz am eigne Leib

Abschlussprüfing das esch sone Sach,
mer böfflet druf met Ach und Krach.
Solothum wär dr richtig Ort gsi,
aber d Shana Hirrlinger luegt lieber z Olte verbi.



Mitem Chendsgi go reise isch ganz toll.
 Bus fahre, wundervoll.
 Z Oute stiegt mer i,
 de Marsch über Chappu esch ou grad debi.
 Wenn ned rächt luegsch, esches schnäu passiert
 dass mer sech het im falsche Bus platziert.
s'Simi und d'Nadel vom Rolli

Es Kafi Luz bi schlechtem Wetter
 isch ab und an en Lebensretter
 am Schwingfest ufm Wisestei
 ischs Wetter en Scheiss drum nomol 3
 s'Auto lot me denn lo stoh
 vernünftig isch das schlot ned of d'Chole
 me lot sech lo hole das s'Auto am Obe no go hole
 s'Andrea Aerni got de

In Langebruck gits e Rodelbahn zum Abefahre
chasch sogar am Frönd no winke usem Chaare
das setsch nur mache wenn weisch wies funktioniert
wöu d'Schwerchraft sösch de grad reagiert
so eschs passiert das esch ned gloge
und scho isch si i hohem Boge use gfluge
au Schürfige bi der Landig het si ned müesse vermisse
gäu Marlies Kamber so e Fahrt esch rächt verschisse

D Brass Band Chappu goht mitem Zog uf d' Musigreis,
 während dr Fahrt trinke sie secher ned nome eis.
 Nächste Halt, St. Margrethe,
 aber was wänds überhaupt detter?
 Rorschach wär s Zill gsi,
 de stlige sie haut i nächst Zog retour weder i.



E luschtige und gsellige Pfarrer hets in Hägedorf gäh
 wo ganz plötzlich dr berühmte Huet het müesse näh
 mr het dä passt au wenn är ned mit em Heiligeschin esch umegloff
 är het sich im Dorf zeigt und ou mit öis e mou es Bierli soffo
 Worum het dr **Pfarrer Georg Maramkandom** müesse go
 Esch äch das wöu me ne ned het chönne verstoh



Öppis hei mir scho mängisch erfahre,
 z'Chappu wohne die gröschte Naare.
 Eine vo dort liefert der bescht Bewis,
 der Läserbriefschreiber - **Marcel Wyls**.

Vorem Huus stüt si ihres Outo ab,
 i der Zit isch si wieder einisch knapp.
 No churz öppis usem Briefchaschte gno,
 ups, do rollt das Outo scho elei dervo.
 Hey, dort isch no mis Baby drin,
 seit sich s'bleiche **Kölliker Karin**.

HÖCKELER-MASKENBALL

Rosemännig - 20:00 bis 02:00 Uhr
 mit 2-Mann Band "Twanner-Sound-
 Maschine"

Häggeri Gugge Hägedorf,
 Stedtlühüpfer Weidlisbach,
 Gäuschränzer Gunzge,
 Chräieschränzer Egerchinge!


RAIFFEISEN ARENA

GEITS?

Är het frei ond muess ned go schaffe,
 goht drom a Spengler Cup go Hockey gaffe,
 Hocke, luege, ässe ond öppe trenke es chlis Bier,
 velecht sis am schloss gseh ou mea s vier.
 Jagge, Portemonnaie ond Outoschlössu si verlore gange,
 drom blibt dä Depp z'Davos obe hange.
 Dr Ersatzautoschlössu müess häne aber schnäu,
 duesch du mer dä brenge Vater aber zrogg,
 Ab is Outo uf Davos ond weder zrogg,
 Jörg das esch vo der aber flott.
Fadi ischer

D'Höckeler si scho rächti Pflöck,
FAHRE uf Chappu a Jubiläumshöck!
 Es isch ne haut eifach z'wit,
 ganz nachem Motto „Mer si fit“

Met em Outo cha's dr haut scho mou passiere
 das öppis bem Usparkiere duesch chli lädiere
 Zum Glöck esch's nome s' usgleite Loufrad gse
 wo d'**Andrea Merk** den het leider überseh



Uf alle Autos: **Eurobonus**
 uf Kafi Schoggi: **Eurobonus**
 en neue Mantel: **Eurobonus**
 e sött no en Huuet ha: **Eurobonus**
 Schatz chauf der jetzt erscht goht
 e frog me werum das jetzt Punkt grad stoht
 wenn d'Währig am teufschte Punkt grad stoht

Vor Arbeit cha är sich chum me wehre
 vo Huus zu Huus bringt är die Stere
 Sit Johre duet är mit em Traktor Holz transportiere
 är weiss wies got und fasch nüt duet passiere
 Doch am Lindeweg het är de doch mou öppis verwütscht
 bim Ablade het dr **Mundi** e Briefchaschte dütscht



Es Ständeli dör, es Ständeli da,
 Wägedäm sötsch i dis Auto i,
 Du packsch ab und hesch sie doch ned debi.
 Vellecht sötsch de ou mit däm Auto fahre,
 wo duesch d Flöte drin ufbewahre.
Scharbara Blatter und Babiene Foog

Wägem länger schaffe tuet är zom Spass e chli motze,
 die Arbeitsistellig esch doch zom chotze,
 är duet meine es breichi immer nor die chliine decke,
 wo z'oober länger müesse useloh,
 Doch bevor as settige Seich henger der duet stoh,
 lueg zerscht wär henger ond ou no chli,
 Deck esch d'Potzfrou ond der passiert sii,
 so ne Seich cha nor der passiert sii.
Körg Jiser



Dr Ma het Hunger und wot öppis ässe
 Är macht Spaghetti und esch häre gräse
 Derzue nimmt är e Sauce wo si Frau het kocht
 Är paar Löffu druf und sis Herz vor Gilück scho pocht
 Es paar Frau ihm frog und de plätzlich nüm drus cho
 Doch wo Frau Carbonara und die esch e wohri Pracht
 Esch är de Carbonara und die esch e wohri Pracht
 Doch wo Frau Carbonara und die esch e wohri Pracht
 Caro seit zum Rämsi nei du Löu, e ha süesmoscht-Creme gmacht



S Zwöite hends die Gymnastik Chreismschterschaft bestritte.
 Erschte sends worde, ned zwöite oder dritte.
 Sie früe sech ond sind froh,
 ou wenn s **Jasi Bürki** und **Steffi Pfleger** als einzigi hei teil gnoh...

Bechonsch es Foto uf dies Handy wo dim Schlüssu duet gliche
 Am Morge früeh, se werd bleich gseht us wie ne Liche
 "Dä ghört jo zo mim Outo, was mach eg jetze?"
 Lütsch em Mami a, di chont sofort, duet heftig hetze
 Blöd nor, dass ohni di Garageschlüssu ned zom Outo chasch
 "Mer möi dä bir Schwöschter go hole, e muess schnäu go
 Ir zwöschezyt esch es scho riechlich spot, e muess schnäu go
 Se nemmt dr'Chare vor Muetter, dänkt nüt und duet ned raffe
 Das d'Handtäsche met Schlössu vor Muetter no dinne si
 Im Gschäft merkt si das und werd drom ganz chli
Stueger Pfeffi

Ich frage mich ob ich auf einen Politiker setzen soll,
 dessen Wahlplakat schon beim kleinsten Wind einknickt
gel Birmin Pitschor

Vou döt im Winter e wami Chappe träge
 So chasch di gäge d'Chälti schötze das cha me sage
 E weiss ned öb e Burka das ou bezwäcke mer wei
 Aber me interessiert das ned, e ha jo keini a
 Doch mer dörfe au no träge was mer we
 Wü schliesslich si mer Schwyzer jo do dehei
 Drum höred uf ond machet ned so es Gschiss
 Rassismus gits ned wägem Edelwyss



Es Vorstäuigsgespröch esch ganz e wichtige Sach
 do wotsch guet usgseh, brilliere und ned usecho flach
 zur Sicherheit nimmt si 2 Paar Schueh mit.
 d'Wächs-schueh findet si de doch nid dr Hit.
 drom got si schnäu no es paar Fränkli döt choschte
 au wenn die Schueh es paar Fränkli döt choschte
 um rächtzytig zsi muess si jetzt aber hetze
 s'ösch würd se dr mögloch nöi Chef no versetze
die eitli Bine Bättig vom Haselweg



Einisch im Jahr si heis verdient die Greise,
 s'Seniorenzentrum Untergäu duet i d'Ferie verreise.
 Doch im 2015 esch aues e chli andersch abgloffte,
 das wird sech hüür bessere esch nor z'hoffe.
 S'Feriehuus reserviere wär e wechtiigi Sach,
 doch sie heis vergässe do lisch flach.
 Us däm Grund ond das esch wöhr,
 hets kei Ferie gäh im letschte Jahr.



I der Hippos het är es paar Bierli hinder Binde gosse
 Wäg däm hets ne de nochär au ofe Ranze gschosse
 Und scho esch ihm das Missgchick die ehemalige Ratte
 Drum het der Jenni a sim Grind e bluetigi Schnatze

CHESSLETE

Schmutziger Donnerstag
 05:00 Uhr ab Spitzenrütli
 ...und anschliessend
 Mehlsuppe in der
RAIFFEISEN ARENA
 offeriert durch die
 Einwohnergemeinde.
 Das beste Lärminstrument
 wird durch die
 Höckeler-Zunft prämiert!

De FC Chappu het s Wiehnachtsturnier i de Raiffeisenarena döre gfuehrt,
 för dä Alass händs scho gli reserviert.
 De FC Hägedorf het s gliiche wöue mache,
 isch aber z spot, es esch ne nömm zom lache.
 Turnhalle Oberdorf het müesse häre ha,
 d Fuessbäueler hei aber trotdäm es glongnigs Turnier gha.

So heisst au s Motto ufem Spielplatz Thalaker,
 dä wird gnötzt und das ganz wacker,
 Alles im Schuss halte, das esch kei Schläck,
 doch för jede Köderchöbu pro Bänkli hets zwenig Dräck.
 "Wär s Dorf verdrückt, het kei Respäkt!"
 An der Olma gesichtet Kampfschweinchen
 gebändigt von Johan Schneider Amman
 wenn der im Bundesrat auch so Einsatz zeigt
 steht es gut um die Schweiz



Mer si fit esch's Motto hür
 vor Chesslette bes zom Fasnachtsfür
 s'Letsch Johr gits es paar fuuli Gsöue
 Wo vo Hägedorf uf Chappu hei wöue
 ar Jubiläums-GV isch das e riese Wäg
 si si haut chli Feiss und ned so z'wäg
 drom si si bir Sportsbar i Bus inegsässe
 zom is Chrüz of Chappu go ganz dick frässe
Höckeler-Zunft



Die Zunftreise beginnt, die Streikwarnung ist da,
 ob das wirklich nur Zufall war?
 Vielleicht auch haben sie es gewusst,
 und wollten diese Abhalten ganz bewusst.
 Auch möglich dass die im Preisgau die Schlümpfe nicht kennen,
 und sich fragten: „die wollen alle bei uns pennen?“
 Liebe Deutschen es handelt sich hier nicht um kleine blaue Kreaturen,
 die **Schlümpfe** sind nämlich menschliche Figuren.



Ein Sommermärchen ein riesen Traum
 beim grossen Nachbarn glaubt man's kaum
 als 2006 die WM stattfand
 ein riesen Fest fürs ganze Land
 eine saubere Sache von allen gedacht
 doch jetzt kommt der Dreck wo keiner mehr lacht
 wies scheint war das ganze manipuliert und geklaut
 ja liebe Leute was habt ihr denn geglaubt
 habt ihr die Packungsbeilage nicht gelesen
 seit ihr vom Fanwahn nicht genesen
 es ist doch klar und macht auch Sinn
 Wo FIFA draufsteht ist FIFA drinn



Übers Internet wot si Sohn öppis günschtigs bstöue
vom Vater het är für d'Steigerig no s'Passwort wöue
ar gits und dänkt mi Sohn macht das guet mit Schnäppli sueche
doch wo är dä Chauf of St. Galle muess go hole, ghörsch der Sigi flueche



Uf der Theaterreis hei si's luschtig gha,
 zwüschenie si si denn ou richtig dra,
 Einisch si si wie ne Huffe Naare,
 mit der Draisine uf de Gleis ume gfare,
 Der **Betzge** het denn nümme glacht,
 wo är isch ines Outo ine kracht!



Hesch bim Choche Hüenerhäus i'd Paella ine gheit.
 Die chasch ned ässe! **Mischa Däppen**, hesch verseit!

Am Mittwoch Nomi macht si dr Lade immer zue
 Ond goht zu Chonde go schaffe in aller Rueh
 Doch s'Liecht lo brönne und s'gsplüsse unterloh
 So duet haut glich plötzlich öpper i Lade go
 Die luegt ome ob dr Bsitzer au nöime esch do
 Gseht niemer ond Kasse esch offe, das cha si ned verstoh
 Polizei muess cho, aber ou se duet nüt finde
 macht vore Türe zue und verlot dr Lade de hinde
 weder im Gschäft g'seht si dass si X Arüef het gha
 si lütet zrug und am andere Ändi e Polzisch esch dra
 Dä frogt ob aues I.O. esch oder ob öppis duet fähle
 Doch wöu si vo nüt weiss, duet si ou nüt quäle
 De gseht si aber es Chärtli ir Kasse wo druf duet stoh
 Niemer ume, ha troztdäm öppis gno und Fr. 40.-- i Kasse do
 Das chasch nur ha, im **Gschänkli-Egge Silvia**

EHCO esch e Begriff,
 doch s Budget händs äüä ned eso in Griff.
 Es esch ne ned z verdänke,
 aber e Dresswärbig fimesch ned grad verschänke.





Vor 37 Jahren wurde der Root-Besen geboren,
nun hat ihn der Root der 38igste verloren.
Doch alles andere wäre doch gelacht,
Betze hat kurzerhand einen neuen gemacht.

Wenn uf Frouefäud as Openair wotsch reise,
duesch das am beschte ganz frueh ufgleise.
Aus Kenner chouf sch s'Datum im Kaländer fett,
und markiersch so richtig gmacht.
Eini het's ned ganz ou zünftig über si glacht,
durum wird ou zünftig über si glacht.
Glichzeitig isch si z'Helsinki ar Gymnaestrada,
s'Desi Hodu het si Agända ned im Griff gha.

Im Fernsehen kommt manchmal schon ein riesen Schwachsinn
"The Biggest Loser" und Anderes ist doch wirklich nur Blödsinn
Eine Steigerung ist aber bestimmt, die Diskussion darüber auf jeden Fall
oder darüber im WhatsApp-Chat philosophieren, da brauchts nen Knall



Zu ner glungene Ffürwehr Hauptüebig
ghört es guets Znacht und au e Bar
s'het aues klappet wunderbar
Gugge duet ir Halle serviere
tuet die Ufgob guet preschiere
wott sich de für de Schlummertrank bir Bar ufstelle
was de cho isch das muess i verzelle
mer lueged Getränkecharte a
do sötsch au no es paar Zuetate ha
doch wo mer die im Wage sueche
finde mer nüt es isch zum Flueche
Zwygu bem nöchschte Mol wäre mer froh
wenn au für Bar s'Richtige würd cho



Ein Oesterreicher mit dem Auto in Basel der hat Mut,
das kommt auf alle Fälle gar nicht gut.
Die Parkplatzsuche bei diesem Verkehr,
ist nicht leicht sondern ziemlich schwer.
Von links nach rechts schaut er sich um,
was dann passiert ist wirklich dumm.
Ein Trämli hat er mit seinem Wagen gerammt,
das hat gewaltig geknallt verdammt.
wäre nicht auch noch die Polizei gekommen.



Es esch so gmüetlech im Trainer diheime z hocke,
doch plötzlech macht sech dr **Kissling Alois** uf d Socke.
Är het s Ständeli vomene Mitglied vergässe!
Jä no, de längts haut nomeno ufs Ässe.

I de Sommerferie isch Schulhusputz agseit,
normalerwis wird dort richtig Hand agleit.
S'letscht Mou het me bir Planig voll verseit,
e Woche z'spot dra - logisch dass's ned ufgeit.
Im Späri het s'Institut no eine druf gleit,
vo dene gseh sch niemer, wit und breit.
Der Räscht het me jetzt ufe Herbst verleit,
hoffe mer, dass es denn e chli besser geit!



s'letscht Jahr het är vergässe s'Heizöl z'bstöue
doch das Jahr het är das nüme wöue
Derfür duet är das Jahr is Auto Bleibfrei statt Disu tanke
super Peter Grepper, au dä Biiatrag döi mer der verdanke



Bauer ist er aus Leidenschaft,
wenn er auf dem Traktor sitzt er immer lacht.
Doch das Wort „Ladungssicherung“ er nicht kennt,
das hat er in der Schule vermutlich verpennt.
Sonst wäre ihm das ganz sicher nicht passiert,
dass er im Dorfe die Ladung verliert.



Bel Mondo

A de Bundesratswale wird d'SVP rächt verrisse
das 3er Ticket finde die andere Partei beschisse
Doch obwohl au gäge d'SVP hetze
Chöi sich die de aber duresetze

Är macht sini Arbeit ned so gschickt,
vöu wo är macht isch mit Fähler gspickt.
Statute für e Club si haut scho wichtig,
är schribt drin ned mou si Name richtig.
Aus Präsident ladt är für a d'GV i,
ou Lüt wo gar ned si im Verein derbi.
Mitgliedernäme duet är ou fausch schribe,
Yacht-Club Schacha, duesch es übertribel!

Si wei met Kollege of Serfaus zum Skifahre go
Fahre of Cham dört warte ehri Kollege scho
Leider esch dr Schlössu vor Hägedorf go chehre ned metcho
Se möi nomou uf Hägedorf vom Ernetweg
Golf & Risela

Wenn ds Olte id Kanti gosch weisch de letscht Bize isch steil
zum Laufe mühsam und ned würlkli geil
das hei si mit de Baumaschine au müesse merke
und hend afo anere Idee umewerke
me macht sechs eifach und baut en neue Wäg
z'mitzt dure Wald fürs ganz schwäre Grät

Botox wird Viagra schlucken
viele Mitarbeiter in die Röhre gucken
zum Abschied werden sie Botox erhalten
so sieht man gibt's noch vor dem gehen
auch Viagra gibt's noch dahinter stehen
nur so kann man auch die Mitarbeiter büsen
Steuervorteile und Aktionärgewinne lassen Grüßen

Es Duell zwösche de Froue und Manne vo Chappu und Hägedorf
Das wört öis eigentlech scho no gfaue, fend das gar ned öppe doof
Ned nomme, dass mer wäg em Schaffe am Tag chöi ned si derbi
Oder, dass das Programm fasch nome Sache vor d'Wybli duet abiete
Vöu schlimmer esch, dass öis s'Wybervouk d'Teilnahm duet verbiete

Hägedorf.bewegt

nach gut 7 Monaten scheint es dem Root-Rat gelungen
Endlech wieder up tu date
sowas wird natürlich besungen
denn es war einiges zu tun
doch endlich kann der Spott nun ruhn
die Homepage hat wieder neue Einträge drinn
das ist für unsere Fasnacht ein grosser Gewinn



Am Mittag het är i der Bar no putzt,
bim Inecho zobe ned schlächt gstutzt.
Bi Cherzeliect si Lüt drinne gsässe,
der Zwygu het s'Abschlüsse vergässe!

**Aus Spargründen wurde
die Oltnor Satdtpolizei
in die Kantonspolizei
integriert. In Gedenken
an diese hier ein
„ou wie schaad“**

Besch in Gedanke on ned bi dr Sach,
de chas passiere das plötzlech lisch flach.
Grengs vorah duet se ine Laterne knalle,
ond ohnmächtig a Bode abe falle.
Mitter Ranu





Wotsch was chlaue gosch id Chile
 döt chasch am Opferstock umespiele
 und selte bewacht en liechte Gwinn
 doch ned wenn zOlte be de Kapuziner gosch
 die si uf zack verstohsch
 i eier Wuche 2 Mol überfalle
 de Dieb 2 Mol igsperrt und de Polizei übergäh
 die müsst me zOlte uf Streife näh

Im Dorfzentrum passiert allerhand,
 e Huffe Lüt und Lümpe binenand.
 Es si ned Fahrendi wo sich installiere,
 der **Root-Rot** duet Hotschichleider fabriziere.

Jetzt macht sich Tour de Suisse au no zum Mare
 Mer duet nämlech s'nöchsch Johr a n z'Östrich umfahre



Papier sammle bringt e chli Gäud i'd Kasse,
 das möcht der FC natürlich ned verpasse.
 S'Ufgebot isch leider ziemlich mager,
 s'1 und s'2 si nämlich im Trainingslager.
 Es Jahresprogramm wär kei Häxerei,
 denn mieche mir jetzt ou keis Gschrei.
 Wöu der **Keller Andi** duet versäge,
 müesse d'Veterane die Bündeli träge.

Jetzt ändet die Zuger Polit-Sex-Affäre Gschicht
 Wöu mer dr Fall ned duet zieh vor s'Obergricht
 Am Schluss wot d'Spiess-Hegglin doch no öpper lo liide
 si duet dr Blick für Brichterstattig of Fr. 500'000.-- betribe

SCHNITZELBÄNKE & GUGGENMUSIK

Schmutziger Donnerstag
 ab 19:45 Uhr in den
 Fasnachtsbeizen
 Mit ROOT XXXIX.,
 Schlumpf-Zunft,
 Högageri Gugge,
 Höckeler-Zunft
 und "Höckeler Sengbuebe"

Hät är frei ond chönnt deheime Färnseh gaffe,
 got är trotzdem zum **Uögi-Beck** go schaffe.
Dr Adrian vo s'Fischers

Frage an Radio Eriwan:
 Wie schlecht muss es um
 eine Stadt finanziell gestellt
 sein, wenn Rolltreppen
 nicht mehr rollen dürfen?

Radio Eriwan antwortet:
 Nun um diese Frage zu
 beantworten müssen sie
 in der Stadt Olten nach-
 fragen, da steht so eine
 Rolltreppe bei der
 Baslerkreuzung

Blumenerde muss man kaufen,
 und zwar einen grossen Haufen.
 Diese Säcke auch noch tragen,
 auf dem Landiparkplatz zu ihrem Wagen.
 Die Erde im Kofferraum ist gut verstaubt,
 Doch dieser Wimpel noch in den Rückspiegel schaut.
 Sie hat sie noch nie gesehen und nicht erachtet,
 Das nächste Mal bitte vorher fragen,
 ist das wirklich mein eigener Wagen.
Matja Kühle

Wenn mit em FC is Trainingslager uf Zypere duesch go,
muesch ei Spieler ohni Visum haut leider deheime lo.
(het derfür chönne go Papier sammle)

So legendär wie d'Chappeler Chöubi esch es scho gseh
Dass dr Flyer met em fausche Datum im Facebook chasch gse
...si se haut e Tag früecher
Ähne ar Dünnere...



Am Grümpi si si natürlich derbi,
das Mou wei si si Mexikaner sii.
Zu däm Motto git's cooli Requisite,
die findet me uf ere Internetsite,
5 ufblosbari Kaktee i Warehorb bstüt,
und schwups per Chnopfdruck bstüt.
Baud isch die Liferig denn acho,
5 Set à 5 Stück het är übercho.
Die Cheibe si de ersch no z'gross,
der Sigi findet das ned grad famos!

Werbung:
Warum in die DDR in die Ferien fahren
wenn sie solch wundervolle Plattenbauten
auch direkt in Olten erleben können.

Der modernen Zeit angepasst
bieten wir ihnen das gleiche Feeling,
keine Balkone, enge Räume.

Selbst die Stromversorgung der Zimmer,
mit jeweils nur einer Steckdose,
wurde Originalgetreu nachgebildet.

Verpassen sie nicht
die wunderschönen Plattenbauten
in ihrer Region.



d'Madonna isch en Superstar ..
das isch sicher allne klar
do chame sich so einiges leichte
scho s'Konzert 1 Stund z'verschiebe nervt die Meische
de chunnt si no 30 Minute z'spot zum d'Lüt chli reitze
was Stimmig grad nomou duet ufheize
das längt no ned und si duet d'Lüt no einisch impfe
und se mit swiss bitches und motherfucker beschimpfe
das würd e mir ned lo biete nei
wäri eine vo dene gsi wäri wohl weder hei

Wotsch met em Ouro elei go fahre.
muesch isfuge am rechte Ort bi däm Chaare.
Duesch nähmlech ufem Rücksitz platznäh.
werds met abfahre secher nüt gäh.
Irene Stiller

Sch so sit Johre findet är s'Feldchiese e Hit
und macht an immer weder mit
1 dänn Johr het är of die fauchti Schilbe gschosse
mocht aber witter und das unverbrenns und zwar dr ganz
drum beachtet dr Munnli trotzdem no dr Chranz

Wenn du den 23. Februar mit dem März verwechselst
Wirst du das nächste Mal beim Jassen bei Ruth Geiser ausgewechselt
Da hilft dir auch die Vorbereitung und das Backen nicht mehr viel
So ging es letztes Jahr der guten **Bommersheim Cecile**

Kauft man sich ein Ticket für ein Championsleaguespiel
 Wäre vorher ein Blick in die Agenda nicht zu viel
 Leider steht dort für Montag eine Prüfung drin
 Das Ticket verkaufen wär vermutlich doch kein Blödsinn
 Doch sie bucht einen Flug der landet 15 Minuten vor Spielbeginn
 Nimmt das Taxi zum Stadion mit einer Fahrerin
 Nach mehr als einer Stunde trifft sie beim Stadion ein
 Und kann dort endlich für den FCB heftig schreien

Externe Schul Evaluation??
 Schule und Gemeinde veröffentlichten nicht,
 den ihnen vorliegenden ESE-Bericht.
 Das sagt doch alles, das ist doch klar,
 nicht alles was darin steht ist wunderbar.



Im 2015 si mou weder Eidgenössische Wahlen
am Schloss interessiere ou döt nome Zahle
Damit vöu Stimme chasch erwarte
muesch e gueti Werbig starte
Bi dene Wahlen het me sehr vöu gseh
e säge nume Welcome to SVP
Extrem vöu Wahlkampf-Videos hesch chönne gaffe
wo Kandidate sich verhaute wie die gröschte Affe

Jede weiss, für uf Amerika
 mues me e gültige Pass ha.
 Är dänkt bis 4 Tag dervor ned dra,
 Pädü Ryser heisst dä gueti Maa.


A der Chöubi git's e huffe z'tue,
 das trifft ou für e STV zue.
 De sett eine s'Zepter übernä
 und klari Kommando duregä.
Ueli und Bärtili si sich ned einig,
 drum louft's bim Uflade steinig.

Duet d'Frou ufem Biifahrersitz vom Cabriolet Pflanze transportiere.
muess haut dr Ma heizue marschiere.
Rita + Hans Studer

Don Bani
 von der edlen Bruderschaft der Weintrinker
 nach der Seligsprechung



Ar Fasnacht e Umfau mache esch ned so tou
 Met eme super Koschtüm wet är a Höckelerbau
 Drum mues är is Spitau vor sim Aug explodiere
Hoppel-Haase



S'LIED VOM ROOT

Jedes Johr, esch ä andere dra
 Ond leit das rote Kostüm met der Larve a
 Ä Bäse i der Hand ond Schäue am Gwand
 Aus Root esch är bekannt im ganze Land
 Äs esch ä grossi Ehr, das weiss doch Gross ond Chli
 Ond set me aus drüü Jahrzent esch er derbie
 Är esch der Obernarr, är esch ä Superstar
 Ond fühert öis guet dor d'Narrezyt, das esch jo klar
 Ref.
 Wäge Dir, esch d'Fasnacht erst das wo si esch
 Wäge Dir, du gesch emmer dis bescht
 Wäge Dir, gomppe mer über Stock u Stei
 und nume wäge Dir, fühle mer öis dehei
 Er gseht chli gförchig us, aber Angst muesch ned ha
 Doch mängmou sprengt er glich de chline chender na
 Vör die öutere Lüt, esch er ä bsondere Typ
 Wenn er z'gompe chont – met sim ganze Glüt
 Er regiirt i der Zit, seit was louft im Dorf
 S'get ou Lüt die fende eus – zemlech doof
 Doch mer stöi zo ehm – wo är ou häne maschiert
 Mer folge em Root was emmer ou passiert
 Ref.
 Wäge Dir, get sech Gross ond Chli höt d'Hand
 Wäge Dir, feschte mer aui metenand
 Wäge Dir, lohnt sich doch erscht di ganzi Fuehr
 und nume wäge Dir, und nume wäge der,
 houe mer über d'Schnuer
 und nume wäge Dir, und nume wäge der,
 houe mer über d'Schnuer

FASNACHT HÄGEDORF Mer si Fit

04. Februar 2016 bis
09. Februar 2016

Root-Huus

Donnerstag, Freitag und Montag von 13:39 Uhr bis 19:39 Uhr
Samstag 15:39 Uhr bis Open End
Dienstag 13:39 Uhr bis Open End
Sonntag 13:39 bis 18:39



Schmutziger Donnerstag,
04. Februar 2016

CHESSLETE

Punkt 05.00 Uhr chesslet's durchs ganze Dorf. Anschliessend offeriert die Einwohnergemeinde in der Raiffeisenarena Mehlsuppe.
Start: **Spitzacker - Achtung, neue Route in die Raiffeisenarena**

ROOT-RAT
HÄGEDORF



SCHNITZELBÄNKE UND GUGGEMUSIK

Ab 19.45 Uhr in den Restaurants Teufelsschlucht, Tell, Schlüssel, Sportsbar, Bistro Vögeli sowie im Restaurant Insieme durch **Root XXXIX.**, Höckeler-Zunft, Schlumpf-Zunft, Hägageri-Gugge und Höckeler Sengbuebe.

Barbetrieb im Homberg Pub&Bar und im Shakespeare.

ROOT-RAT
HÄGEDORF



Fasnachtsfreitag,
05. Februar 2016

SENIORENFASNACHT

MIT SPIEL, SPASS UND ATTRAKTIONEN

13.30 Uhr in der Raiffeisenarena, organisiert von der Hägageri-Gugge i.A. der Einwohnergemeinde.
Mitwirkende: **Root XXXIX.**, alle Zünfte, Kliken und die Gugge.
Siehe **persönliche Einladung.**



BEIZENFASNACHT MIT MASKENTREIBEN

Ab 20.00 Uhr in sämtlichen Fasnachts-Beizen von Hägedorf, alle Fasnächtler machen mit.

Barbetrieb im Homberg Pub&Bar und im Shakespeare.

ROOT-RAT
HÄGEDORF



Fasnachtsamstag,
06. Februar 2016

FASNACHTS-UMZUG

Alt und Jung sind herzlich eingeladen.

Beginn: 14.00 Uhr Schulhausplatz Oberdorf. Im Anschluss offeriert die Gemeinde das traditionelle Wienerli mit Brot auf dem Dorfplatz (nur für Kinder und Umzugsteilnehmer).

Anschliessend FASNACHTSTREIBEN AUF DEM DORFPLATZ

mit verschiedenen Essens- und Getränkeständen.

ROOT-RAT
HÄGEDORF



SCHNITZELBÄNKE UND GUGGEMUSIK

Ab 19.00 Uhr in den Restaurants Teufelsschlucht, Tell, Schlüssel und Sportsbar durch **Root XXXIX.**, Höckeler-Zunft, Schlumpf-Zunft, Hägageri-Gugge und Höckeler Sengbuebe.

Barbetrieb im Homberg Pub&Bar und im Shakespeare.

ROOT-RAT
HÄGEDORF



Fasnachtssonntag,
07. Februar 2016

KINDERMASKENBALL

Von 14.00 -17.00 Uhr in der Raiffeisenarena.
Eintritt: Fr. 6.- inkl. Hot-Dog



Fasnachtsmontag,
08. Februar 2016

KINDERSCHMINKEN UND FASNACHTSTREIBEN

Rund ums Root-Huus kunterbuntes Treiben mit **Root XXXIX.**

Ab 14.00 Uhr Kinderschminken

Ab 15.00 Uhr Konfettischlacht mit **Root XXXIX.**, Guggen-Klänge.



HÖCKELER-MASKENBALL

Ab 20.00 Uhr in der Raiffeisenarena. Livemusik „Twanter Sound Machine“

Eintritt: Fr. 10.- / Vollmasken frei.



Fasnachtsdienstag,
09. Februar 2016

KINDERDISCO AUF DEM DORFPLATZ

Von 14.00 bis 16.00 Uhr lustiges Fasnachtstreiben auf dem Dorfplatz.



HOTSCHIFÜÜR MIT ANSCHLIESSENDER USLOMPETE

Um 19.09 Uhr zündet der **Root XXXIX.** auf dem Dorfplatz das „Fasnachtsfüür 2016“ an.
Anschliessend Uslompete auf dem Dorfplatz und im Root-Huus.

